

Robis gnovis pal XXI secul


*Capî lis sfidis resintis
e screâ procès
cu la Dutrine sociâl*

«**D**utis lis personis interessadis a capî lis disfidis dal di di vuê, inluminadis dal insegnament sociâl de Glesie» a puedin gjavâ costrut dai imprescj cumbinâts dal Centri de Universitât Catoliche dal «Sacro Cuore» di Milan pe Dutrine sociâl da la Glesie.

Par meti in zornade la viere edizion dal 2004, il Centri al à començât la publicazion dal «Dizionario di dottrina sociale della Chiesa. Le cose nuove del XXI secolo», ch'al salte fûr in forme di riviste trimestral «online», in grazie dal editôr universitari «Vita e Pensiero».

La publicazion, che il cuint numar al è jessût cu l'edizion Zenâr-Març, e jentre tun progjet ancjemò plui ambizionôs, ch'al propon un «portâl web» cun acès libar, dulà ch'a son publicadis, di man in man ch'a vegnin dadis dongje, lis «vôs» dal Dizionario (www.dizionariodottrinasociale.it).

La plui part dai autôrs de vore interdissiplinâr a son studiâts de Universitât catoliche taliane e professôrs de rêr «Sacro» (al ven a stâi de aliance strategjiche des Universitâts catoliche «Strategic Alliance of Cat-



L'arbul ch'al rapresente il «Dizionario di Dutrine sociâl» de Universitât Catoliche

**I progjets
dal Centri
de Universitât
Catoliche
di Milan
pe Dutrine
sociâl de Glesie**

holic Universities»), impegnâts te ricercje e tal insegnament des cuistions ch'a frontin pal progjet.

«Cetantis a son lis "robis gnovis" in chest cricâ dal XXI secul – a scrivin i curadôrs te presentazion dal Dizionario, rivoçant il sproc di Mt 13,52 –: scuvieris sientifichis e diffusion di tecnologiis gnovis; formis gnovis di comunicazion e d'interazion umane; atôrs gnûfs e gno-

vis disfidis pe coabitazion global. O rifletûn, in specialitât, su la spropositade cuistion ambientâl – a rionzin te jentrade –, su l'esperienze de pandemie, su lis dinamiche demografichis, su l'incessite de disparitât dentri e jenfri lis Nazions, sui conflits gnûfs ch'a son daûr a vignî a flôr, sul ûs dai "big data", sui intops de intelligence artificial su la vite cotidiane des personis e des Comunitâts...».

In spiete de riviste pal trimestri Avrîl-Jugn, la tabelle dal V volum e pant lis grandis areis tematichis profundidis volte par volte: Ambiente; Puaretât e Disparitâts; Sviluppo uman integrâl; Relazioni; Politichis e Istituzions; Siencis e Tecnologiis; Avignî dal Lavôr; Economie e Finance; Mieçs di comunicazion.

«O vin gust di pensâ che, cun cheste siele operative – a scrivin i redatôrs –, o fasìn la part dal nestri dovê par screâ procès dinamichis (di dialic e di comunicazion, ma anche di contaminazion, di gjerminazion e di gjenerazion) e no dome par jemplâ spazis (completant, in mût ordenari, un dissen static e za definît). Sielzi la strade di ativâ procès al vûl di no vè pôre d'intopâsi in alc che no si spietavisi, includint robis gnovis e valorizant al ultin grât il dialic fra ricercje sientifiche e Magjisteri de Glesie».

Mario Zili

